

D. Chinese.

vi. 8

(Last) Vol. VIII

111V. 201 (111V)

河間劉守真傷寒論方卷下

習醫要用直格

諸證藥石分劑

麻黃散

麻黃

一兩半去節湯泡桂枝一兩剉去皺皮甘草半兩

杏仁二十粒湯浸去皮尖雙仁者下並同法

右剉如麻豆大每服五錢

匕作匙也水一盞半前至八分

應去滓溫服澀也糝也衣覆以取

益元散

一名天白散

滑石

六兩白甘草一兩

右為細末每服三錢蜜多許溫水調下或無蜜亦可每時日三服或欲冷飲者新井泉調下亦得

解利發汗前發白豆豉湯下每服水一盞葱白五寸豆豉五十粒煮取汁七分調併三四服以効

為度此藥是寒涼解散熱鬱設病甚不解多服無害但有益耳本世傳名大白散俗惡性寒發易

得之賤物而又不明素問造化之理故不取本草神驗之言而多不用焉若以隨證驗之乃凡人

之仙藥也何可缺歟○夫傷寒當汗則不可下當下則不可汗且如誤服此藥則汗自不出而

裏熱亦復不效亦有裏熱使得宣通而愈者也或半在表半在裏可和解而不可吐下發汗者若

服此藥多愈或不愈亦小減加涼膈散和解尤佳○或自當汗解者更加蒼朮粗末三錢同葱豉

煎湯調服尤良或孕婦不宜滑石麻黃桂枝單發汗即用甘草一兩蒼朮二兩同為粗末每服四

錢水一盞葱白五寸豉五十粒同煎至六分濾去滓熱服併二三服取微汗是名逼毒散非孕婦

臨川 葛 難 編
新安 吳勉學 校

亦可服或大白散加麻黃二兩去節如法煎服世云神白散○或逼毒散加麻黃與蒼朮等分去節。濟衆云青龍散○或青龍散更加滑石末與蒼朮二倍是為發汗之妙藥名曰大逼毒散此方唯正可汗者即用誤服之則轉加熱也或解利兩感煎涼膈調下益元散四錢○或下乳用豬肉麪羹粥飲湯之類調下四錢不拘時候日三服及宜食肉麪羹粥○催產溫香油漿調下五錢併二三服以產為度○或死胎不下者煎三乙承氣湯一服調下益元散五錢須臾更頻用油漿調益元散溫服前後俱下而胎下可活產母也凡難產或死胎不下皆由風熱燥滯緊斂結滯而不能舒緩故產戶不得自然開通也此藥力至則結滯頻開而產矣後慎不可溫補而反生燥熱也俗未知產後亡液損血痠痛怖懼以致神狂氣亂則陰氣損虛邪熱太甚而為諸熱證由不讀素問不知造化故不識證候陰陽反以妄為產諸虛百損便為虛冷而無熱也誤以熱藥溫補或見煩渴者不令飲水本雖善心為害多矣宜治病之道但以臨時審其臟腑六氣虛實明其標本如法治之而已矣此藥泛常多用然須為效至大而俗以病異藥同將謂妄行反招侮慢今以黃丹加令桃紅色名曰紅玉散 加青黛令輕碧色名碧玉散 加薄荷葉一分名羅蘇散主療不殊收效則一俗目懵然何能別此可遠妄侮可顯玄功後之學者其究心焉

桂枝湯

桂枝去敏

芍藥

甘草

分三

右剉如麻黃大每服八錢水一盞半姜三片棗三枚擘破煎至七分令去滓溫服續後啜熱稀粥溫覆令遍身微汗或暖也及初夏可加黃芩一兩名陽旦湯大熱之分及素有熱人可再加知母半兩石膏一兩為末或更加升麻一分禁生冷粘滑肉麪五辛酒酪息物等桂枝證反下之不成結胸及痞但腰滿証在者本方倍加芍藥大實痛者更加大黃半兩脉弱自利者不加

桂枝加葛根湯

桂枝 芍藥 甘草各六錢 葛根一兩

右如桂枝湯服 謂如桂枝湯對煎此

葛根湯

葛根 一兩 麻黃 泡去黃汁焙 桂枝 去皺芍藥 甘草各半兩

右如桂枝湯服

大青龍湯

麻黃 如前製 石膏 為末 各桂一分 甘草一分 杏仁十枚湯去

右到如麻豆大抄五錢水一盞生薑三片棗三枚擘破煎至半盞濾去滓溫服令身汗濕未潤再服

小青龍湯

麻黃 如前製 半夏 湯洗芍藥 細辛 乾姜 甘草 炙桂枝 去皺各五分 五味子 二錢

右到麻豆大每服八錢水一盞半生薑四片煎至七分絞汁溫服 渴者去半夏加栝蒌根三錢 微利去麻黃加芫花彈子大 噎者去麻黃加附子二錢 泡以開佛熱結滯 小便不利少腹

滿者去麻黃加茯苓四錢 喘者去麻黃加杏仁 製如此方燥至溫散其水以潤腸胃臟腑之燥 以開發佛熱結滯者也

小柴胡湯

柴胡 去苗秤 黃芩 甘草 人參 各三分 半夏 六錢 泡

右到如麻豆大抄五錢生薑三片棗三枚切煎至半盞濾去滓溫服日三小兒一服作三服 諸藥法同

涼膈散

連翹 一兩 山梔子 大黃 薄荷葉 去毛 黃芩 各半 甘草 一兩 朴硝 一分

右為粗末每服二三錢水一盞蜜少許或無蜜亦可煎至七分濾去滓溫服熱甚者可服四錢亦有可服一二十錢者治咽喉并涎漱加桔梗一兩荊芥穗半兩咳而嘔者本方加半夏半兩每服生薑三片煎嘔血者加當歸芍藥各半兩生地黃一兩淋者加滑石四兩茯苓一兩風眩者加川芎防風各半兩石膏三兩酒毒者加葛根一兩斑疹痘瘡加荊芥穗赤芍藥川芎防風桔梗各半兩三歲兒可服七八錢或熱甚黑陷腹滿喘急小便赤澀而將死者此服更加大承氣湯約以下之得利立甦

白虎湯

凡言加者皆自本方加也但加者每服五七錢以意加減調理兩感傷寒下證前後以退表裏之熱者煎本方四五錢調下益元散三四錢其本方皆能治此諸證但加即為效也

知母半兩甘草一兩粳米一合石膏四兩為末右剉麻豆大抄五錢水一盞煎至六分去滓溫服無時日三四服熱甚者服七八錢至十餘錢或眩或嘔或咳者加半夏半兩陳皮半兩每服用生薑三片煎服或傷寒發汗不解脉浮者加蒼朮半兩名曰蒼朮白虎湯或發汗或下後煩渴口乾或脉洪大或微惡寒者或不可下者或除可者之外並宜加人參半兩以調之名曰人參白虎湯

五苓散

猪苓去皮茯苓白朮各半兩桂枝去粗澤瀉一兩

右為細末每服二三錢熱湯調下惡熱欲冷飲者新水調下或生薑湯調下愈妙或加滑石二兩甚或喘嗽咳煩心不得眠者更加阿膠半兩泡

桂苓甘露飲

桂半兩茯苓白朮各半兩甘草炙澤瀉石膏寒水石各一兩滑石二兩如前製

右為極細末。熱湯調下三錢。欲冷飲者。新水調下。或生姜湯調下。尤良。小兒服一錢。

白朮 茯苓去皮 人參 藿香葉淨各半兩 甘草炙一兩 木香分 葛根一兩

右為細末。白湯調下三錢。若煩渴者。加滑石二兩。病甚者為粗末。每服一兩半。水一大升。煎至七合。絞汁放冷。從意續飲之。小兒尤宜。

四逆湯

甘草炙 乾姜各一兩 附子半個

凡用附子。以半兩重者佳。小者力弱。大者性惡。非稱處方之宜也。世皆美其大者。未知古人之有則也。

右劉麻豆大。用水兩盞。煮至一盞。絞汁分溫二服。強實人二劑。作三服。或畜熱極深者。手足厥冷。則不宜此方。當以下之也。

茯苓半夏湯

茯苓去皮 生姜取汁各半 夏一錢

右劉麻豆大。用水一盞。煎至四分。絞汁下姜汁溫服。

半夏橘皮湯

半夏泡如陳皮湯浸洗 甘草炙 人參 茯苓 黃芩去腐心 葛根半兩 厚朴去皮各

右劉麻豆大。用水三盞。生姜一分。切煎至一盞半。絞取汁。分四服。作一日食後溫服。

黃連解毒湯

黃連去頭 黃蘗 黃芩 大梔子各半

右劉麻豆大。每服半兩。水一茶盞。煎至四分。絞取汁溫服。無時。日三四。以效為度。每一二服。效。

或腹滿嘔吐或欲作利者。每服加半夏三枚。全用厚朴二錢。剉茯苓去皮剉。水一盞半。生薑三片。煎至半盞。絞汁溫服。名曰半夏黃連解毒湯。或欲急下者。本方加入承氣湯一服。生薑煎如前法。以利為度。一法為細末。水研如小豆大。溫水下二十丸。治積熱勞欬瀉利甚良。

瓜蒂散

瓜蒂 赤小豆 等分

右為細末。以香豉半合。欸水一盞半。煮取汁半盞。調下一錢。匕不吐。加服。得快吐乃止。虛人不

大柴胡湯

柴胡去苗 大黃各半 黃芩 芍藥各一 半夏 二錢 枳實三錢生用

枳實不去穢為效甚速。下並同。

右剉麻豆大。分作三服。每服水一盞。生薑三片。棗三枚。煎至半盞。絞取汁溫服。未利再服。

大承氣湯

大黃 芒硝朴硝有芒 厚朴去皺 枳實各半

加甘草一兩。是名三乙承氣湯。

右剉麻豆大。分一半。用水一盞半。生薑三片。煎至六分。納硝煎一二沸。絞去滓。熱服。

凡前藥酒慢火煎沸。即下火為一沸。或言煎至幾分。亦如此法。煎不可強火。耗去其水也。

凡病熱鬱甚而冷。服寒藥則病能拒。藥多不能下。故經曰。寒因熱用。未利再服熱甚者。此一劑分大半。作一服。未利再服少半。熱更甚者。一劑都作一服。熱勢甚者。亦可併此二劑為一服。劑分劑為劑

料方得利而效者。臨時消息。以利為度。消息謂損益多少也。凡用藥多少。倣於此耳。

小承氣湯

大黃半兩 厚朴三錢 枳實三錢

右劉如麻豆大。作二服。每服用水一盞。生薑三片。煎至半盞。絞取汁熱服。未利再服。或微下者。一劑分作二服。或和胃氣不欲利者。一劑分為四五服。

調胃承氣湯

甘草 大黃 芒硝各半兩

右劉如麻豆大。分一半用水一大盞。煎至半盞。絞去滓。納硝煎一二沸。熱服。不利再服。

十棗湯

芫花慢火炒 大戟 甘遂各等

右為散。末。用水一盞。肥棗十枚切開。煮取汁半盞。調下半盞。七強實人服一錢。七以意加減。快利為度。

桃仁承氣湯

桃仁湯去皮尖雙 芒硝半兩 大黃六錢 桂去皺 甘草各三錢

右劉如麻豆大。分作三服。每服用水一盞。煎至半盞。下硝。絞取汁熱服。日三。以微利為度。

抵當湯

水蛭炒 蟅蟲炒 桃仁八粒 大黃一錢

右為細末。蜜和作二圓。用水一小盞。煮一圓。至六分溫。服。晬時血未下者再服。

抵當湯

水蛭炒 蟅蟲炒 桃仁七枚 大黃一錢

右劉如麻豆大。分作二服。每用水一盞。煮半盞。絞去滓。溫服。未下再服。水蛭之吉丁結二切。

茵陳湯

茵陳蒿石山茵陳一兩一川大黃半兩山梔子七枚

右剉如麻豆大用水兩盞半慢火煮至一盞絞取汁溫服六分未利再服四分以利為度勢甚者作一服未利再作以意加減當下如爛魚肚及膿血膠膠等物及小便多出金色如皂角汁或見證將欲發黃者此一劑分作四服每服調下五苓散三錢凡治發黃亢越此法也

世俗有傳烙黃而愈者或此強實之人素本中氣不衰而及濕熱鬱之微者烙之而誤中強劫開發得開氣血宣通即作汗而愈或體質本虛濕熱結其則劫發不發而反致死者不為少矣莫若仲景法對證以藥致之則免致強劫不開而反誤人生命也及夫近世妄傳有寒極陰黃而內外極救其陽為害多矣設若病微而誤中開發得愈亦以鮮矣而傷生者不可勝言也大抵凡諸黃者有二一則濕熱氣而黃萬物皆然又如麥秀而黔雨濕熱過極則黃疸者也及水滯而天氣濕熱則草木將死而色變黃者也或病血液衰則虛燥熱太甚而身面痿黃者猶亢旱而草木萎黃也夫病燥熱而黃者當退熱潤燥而已此傷寒濕熱極甚而發黃者開結退熱雙利大小腑以除水濕則利加而愈也今作陰

結胸而發黃者同陷胸湯各半服下之或誤服巴豆熱毒圓藥下之及損陰氣遂協熱利不止而發黃者同大承氣各半服下之亦有協熱利不止更或結胸而發黃者用茵陳五分同陷胸湯三分大承氣二分以下之或兩感發黃者本方加黃連解毒湯一服急下之或頭微汗小便利而微

黃者濕熱微也宜此梔子蘄皮湯

大山梔子十五枚甘草一錢黃蘗半兩

右剉如麻豆大此劑則作二服每服水三盞煮至一盞絞取汁分三次作一日服

大陷胸湯

大黃 芒硝各三錢 甘遂末三字

右剉如麻豆大一劑分作二服每服用水一盞者大黃至六分內消至一二沸絞汁一字匕半溫服未快利再服熱惡不利者以意加服

大陷胸圖

大黃半兩 葶藶三錢 芒消一分 杏仁十二個 草草

右大黃為細末下葶藶杵再羅研杏仁消如泥和圖如彈子大每服一圓入甘遂末三字匕白蜜半匙水一盞煮至半盞溫服當一宿許乃下未利再服

小陷胸湯

半夏四錢 湯洗全用 生薑二錢 黃連二錢 枳實大者半個 唯到其壳子則不右以水三盞煮括萸取汁一盞半內餘藥煮至一盞絞取汁一盞分兩次溫服以效為度

大黃黃連瀉心湯

大黃 黃連 黃芩各一 一法加生薑一分甚良

梔子湯

大梔子七枚 豆豉半合

右以水兩盞煮梔子至一盞半內豉煮至半盞絞汁溫服

凡加煮皆用梔子先煮

或吐者止後服 凡諸梔子湯皆非吐人之藥以其燥熱鬱結之甚而藥預攻之不能開通則鬱發而吐因其嘔吐發開鬱結則氣通津液寬行而已故不須再服也

梔子厚朴湯

大梔子七枚 厚朴半兩 枳實二錢

右劉如麻豆大以水一盞半煮絞汁半盞溫服

泛論

凡傷寒熱病下後熱不退下證尚在者再三下之以熱退為度雖熱退尚未痊愈者隨證調之凡下之前後或大汗將出或大汗已出是言大好或汗後煩渴及諸吐瀉雜病一切煩渴者須以細細飲之渴未止者頻頻時與但不可過多以成留飲不散者也留飲一名水畜經曰精飲夫留飲謂水液留積畜聚於內而不濕潤傳化者也夫腸胃燥熱太甚則結滯而氣液不能宣通故雖飲而難以止其煩渴也若以頻飲過多則水濕過極而腸胃燥熱拂鬱轉以加其水濕痞閉故成留飲而心腹滿痛或為吐瀉也設若不與飲之則燥熱轉甚危而死矣

夫腸胃之燥濕猶地最勞適當其宜皆不可過與不及凡治病之道以調六氣陰陽使無偏頗各守其常平和而已嗟夫世俗或以妄為冷水寒藥水損脾腎隔卻大汗但令中外俱熱而欲望其作大汗者或大汗欲出腸胃燥熱煩渴及汗已出反慮水却大汗不與水者或氣弱久虛煩渴者或吐瀉煩渴者或產婦煩渴皆以妄為氣虛不可飲水也此乃未知古人云渴欲飲水為熱在裏也若夫正氣既衰邪熱燥甚而煩渴者若非水液寒藥滋潤救其殘陰退其邪熱則陽熱暴甚而為害甚大也不與水而反以大毒熱藥燥之寧無損者耶且如酒之體者水也此之飲水則過能多飲而旋能消散之外轉能發於渴者以其苦熱養於心火則陽盛陰衰而燥去水濕之體故旋能消散而善多飲水也其酒之善多飲者以其酒之熱毒若非復以水體勝之則亦少飲疾醉者強以飲多則燥熱太甚而多生病也然酒力之熱善消水體復制酒力以其熱力多於水體故飲多即熱醉而燥盡水體勢力尚在則燥熱煩渴而病於酒也然酒之熱耗盡水體之外尚能燥熱煩渴為病況病於燥熱太甚而煩渴及不與水者豈不知其害耶況燥熱煩渴者腸胃易為拂鬱

當以退熱開結散水潤燥之藥。謂之免致燂熱太甚。則怫鬱以成留飲。雖多飲亦不止。其腸胃臟腑之燥熱煩渴。而成腸胃之內熱。甚以成吐瀉也。涼膈白虎五苓及桂苓甘露之散類。隨證以調之也。

或成留飲諸病者。隨證燥之。

宜小青龍湯五苓桂苓甘露黃連解毒湯。小陷胸大承氣之類。證本方論中。

戰汗

夫熱病大汗將出而反寒戰者。

古人以百病皆為雜病。惟傷寒名曰大病。俗言汗病是也。經言大汗者。非謂邪熱自汗大出者也。乃陽氣怫鬱鬱結。後得開通發散宣通則蒸蒸而為汗出。是謂大汗。言大病怫鬱邪毒之氣鬱極通發以為汗出。故曰大汗也。故經曰大氣皆去。病得已矣。

表之正氣與邪熱并甚於裏。大熱亢極而反兼水化制之。故反寒慄也。化謂造化

經曰少陰所至為驚。或惡寒戰慄譫妄。謂少陰君火熱氣之所至而為此等之病也。又經曰諸禁鼓慄如喪神守。皆屬於火。注云熱之內作。然禁俗作噤。鼓振搖而動也。言禁冷振慄反寒戰也。經曰亢則害。承乃制。謂五行之道微者。當其本此實其過亢則反兼勝己之化以制其甚。老子云天之道其張弓乎。高者抑之。斯其道也。經云水曰靜順。謂靜而己無為。但順物之氣味也。及方圓不與物爭。乃至柔順者也。水本寒。寒極則水冰如地而能載物。又經曰水發而雹雪。是水寒亢極而反似尅水之土化。是謂兼化也。故病寒極者反堅滿也。夫土主濕。黔雲雨而安靜。雨濕極甚則飄驟散落。是反兼風木制其土濕也。故經言瘕為濕極。而反似風強病也。○木主生榮而旺於春。其氣濕。其本風。風大則反涼而毀折。是兼金化制其木也。故風病過極則中外燥濕。皮膚皺揭。反氣運行之燥澀。而筋脉痠緩。是反兼金化也。○金主於秋而屬於陰。其氣涼。涼極則天氣清明而

萬物反燥燥物莫若火是金極反兼火化制之也故為病血液衰少燥金之化極甚則反熱也燥物莫若火夏月火盛熱極甚則天氣暉昧而萬物反潤以出血液林木流津及體熱極而反出汗液以火煉金熱極而反化為水是大極而反兼水化制之也故病熱極則反出五濕婦人帶下淋瀝及厥逆身冷或為惡寒戰慄而或反冷痛也俗以帶下直言冷病及惡寒戰慄便為陰寒者俗醫未知此也夫天道造化病微必當其本化寒見水化熱見火化也病甚者反以勝己之化如寒極反似濕土熱極反似寒水之化也嗟夫百病之極甚者其狀反似於己之相反者俗醫不求其病之本氣而百端擬疑莫知真源不得已而但隨兼化之虛象妄為其治反助其病而害於生命多矣以至舉世皆云病至危極之時則陰陽反變而無能辨別也殊不知但以運氣造化之理推之則設若干變萬化而歸其要則一也何得有難易之二耶故經曰夫標本之有道要而博小而大可以言一而知百病之害經又曰善言始者必念於終善言近者必知其遠是則至數而道不惑所謂明矣故老子曰不窺牖見天道不出戶見天下其出彌遠其知彌少蓋知要與不知要也古聖曰反常合道謂古聖天理大道合同而常俗之心則有相反者也然古聖道不離於俗者謂道包於俗而入俗也又云俗自離道者常俗莫能合於道也夫俗則有相而道本無形者正如五行之變化微則守常而本化自見乃有相之俗是化以自見也其則反以勝己之化乃無相而反常合道是謂變以其取變於本化之相而反見勝己之化也變化之道多端此則微其外相之變也故仙經曰大道似不肖厚德若不足即藏其本相於內而反變化勝己之化於外無相乃反常合於道者也却以道眼觀之則求其內也若但以俗眼觀其外則逐相而遷何由得其要也故聖經所論天地變化與道合同而俗無所嫌但隨俗見編集方論有乖其理祇合俗心致使後人皆由說反自以為是而聖經之妙理盡然罔究病者無辜竟罹橫夭吁可痛者且如經言陽勝則熱陰勝則寒俗直謂陽熱之氣勝則發熱陰寒之氣勝則發寒者皆經之本旨也此言表裏之陰

陽正氣之虛實言正氣勝者為不病而不勝者為病也故經曰陰勝則陽病陽勝則陰病陽勝則熱陰勝則寒是謂表陽之正氣為不病裏陰之正氣衰而為受病也裏陰之正氣勝為不病表陽之正氣衰而為受病者也此皆熱在表裏陰陽之部分者也然病勝在裏為陽勝虛虛病當發熱故發熱為病熱在裏陽勝陰虛下之則愈汗之即死者是也表熱裏和則病當惡寒為陰勝陽虛汗之則愈下之即死者是也故熱在表為陰勝陽虛而言惡寒之寒則為寒也熱在裏為陽勝陰虛而言發熱之熱則為熱也故傷寒表熱則惡寒當汗裏熱則發熱而當下之又經曰重寒則熱重熱則寒者非謂病寒而極重反變也此重言當有兩重惡寒則不惡寒而惡熱謂表熱惡寒為一寒也若裏之陽和正氣又出之於表則又當有一重惡寒是謂重寒則反不為寒而為發熱也若表之正陽之氣與邪熱并入於裏則為兩重發熱則不發熱而後禁慄寒戰也此反言陽和衛氣并之於表陽分則病氣之勝為陽勝也病氣與衛氣并其於裏之陰分則為陰勝也此亦表裏之陰陽正氣之與邪熱相併而以言為虛實也然邪熱在於表則惡寒而熱與裏之衛氣并之於表則反煩熱也邪熱獨在於裏則發熱而表之正氣與邪熱并之於裏則反寒戰也故經云陽虛則外寒陰虛則內熱此言不併者也正氣虛而受邪熱故言虛也又曰陽勝則外熱陰勝則內寒此言併者也夫表裏陰陽之分受其邪熱之所在其沖和正陽之衛氣又為邪熱相并而為病之所正氣轉實而不虛故經言勝也○故經瘧論云陽氣并於陰當是之時陽虛而陰實外無氣故先寒慄也陰氣逆極則後出之陽陽氣後併於外則陰虛而陽實故先熱而渴又曰併於陽則陽勝并於陰則陰勝陰勝則寒陽勝則熱是言表裏之陰陽熱氣之虛實非寒熱陰陽之虛實也故經曰病在陽則熱而脈燥在陰則寒而脈靜然氣并於內而外無氣故寒戰脈不能燥甚而沉細欲絕靜或不見也○夫瘧者邪熱與衛氣并則作發而不并則休止也故經曰衛氣相離或病得休衛氣集則復病也故又云陰虛而陽實實則熱矣衰則氣復反入入則寒矣此祇言表裏之陰

陽氣不并者為虛而并者為實其為病之氣者乃熱之一也俗未明之直以經言陰勝則寒不明其經意以病熱而反惡寒戰慄便為陰寒之病誤之久矣其陰寒之為病者脉遲細不煩渴小便清白吐利腥穢屈伸不便厥逆禁固體寒而不熱不惡寒無戰慄者也故經言人多病氣也陽少陰多故身寒如從水中出又曰人有身寒湯火不能熱厚衣不能溫不凍慄此是陰寒為病而直云不凍慄寒冷也夫陽動陰靜故經云戰慄動搖為陽火熱氣以為病也反寒冷者亢則害承乃制是火熱極而反似寒水者也故病寒戰者反渴及雜病而害戰者多有燥糞也及夫平人冒寒而戰慄者寒主閉藏而外冒於寒則裏熱怫鬱而表之陽和衛氣以外寒逼入於裏則陽并於陰而寒戰也夫恐極而戰者經言五志過極則勞傷本藏恐為腎故經曰恐傷腎然腎傷而虛則腎火自甚而熱也又經曰恐則氣下然陽生出行舒榮故心火之志喜則身心放肆而陰主收藏故腎水之志恐則身心收斂也夫恐則腎虛心實而熱正氣收藏陷下於裏亦是陽并於陰而寒戰也夫酒噤而戰者腸胃酒熱未散身表酒力已消則陽熱易為畜熱入裏故但冒於寒則陽并於陰而寒戰也夫欲汗而寒戰者傷寒日深表證罷畜熱於裏則發熱也若表裏之正氣并入裏則火熱無極而反寒戰也陰分陽熱之氣逆極而後出之陽則煩熱而大汗作也

世所謂交陽者非陰寒交熱以為陽熱也乃怫熱畜之於裏而鬱極過發則交傳出之於表之陽分是謂交陽而後作汗也或怫熱過極而不能交出於表者是鬱極不發否極不泰即正氣衰殘陰氣先絕則陽氣後竭而死矣夫欲汗而脉忽沉細而或不見者陽表正氣并入於裏故也交陽而燥亂昏冒者裏熱鬱極過發而欲出以怫鬱而陽之氣極不能出故氣亂則神背而燥擾也○凡欲作汗無問病之微甚或以經新下者或下證未全者恒以涼膈散調之甚者宜黃連解毒湯或下後二三日或未經下腹滿煩渴脉沉實而有下證者三一承氣湯下之勢惡者加黃連解毒湯下之或已戰不快者或戰後汗出不快者或微戰數次經大戰而汗不出者乃并之不甚而病之不速也通宜三

一承氣湯或更加黃連解毒湯下之以散怫熱而開鬱結也。○大法曰脈浮不可下。傷寒病已有裏証脈沉之下裏証尚在脈漸浮至一二日汗不能出者裏証鬱發之不峻病已三乙承氣湯微下之。凡此諸可下者或得利而汗使出者或服藥而怫鬱頓然開發先汗出而後利者或利性但隨汗出泄則氣和而愈更不利者說不快交不過而死者止由裏熱極甚而不能開發也故常以裏涼或下怫熱免致但以其作汗而為邪熱耗絕陰氣而死也。或不戰而汗出者衆不能盡而陽不并陰也。或戰而無汗而自愈者津液已衰以經發汗吐利或自汗吐利亡液過多則津液衰竭無由作津但氣和而愈也。

或不戰無汗而愈者陽不并陰則不戰津液已衰故無汗而已也。

世俗未知而直以惡寒戰慄名陽熱氣虛陰寒實勝因而為治誤人多矣。

受汗

夫大汗將出者慎不可恨其煩熱而外用水濕及風涼制其熱也。

陽熱開發將欲作汗而出者若為外風涼水濕所導則怫熱反入於裏而不能出泄病多危極而死矣。

亦不可恨其汗遲而厚衣壅覆欲令大汗快而早出也。

怫熱已甚而鬱極乃發其發之微則順甚則逆順則發易逆則發難病已怫熱作發而煩熱悶亂更以厚衣擁覆太過則陽熱暴然大甚陰氣轉衰而正氣不榮則無由開發即燥熱喘滿危而死矣。

汗後

雙解散 普解風寒暑濕饑飽勞逸憂愁思慮悲恐四時中外諸邪所傷億覺身熱頭疼拘攣強痛無問自汗無汗增寒發熱渴與不渴有甚傷寒疫癘汗病兩感風氣雜病一切舊病作發三日

裏外並宜服之設若感之勢甚本難解者常服三兩日間亦無不可並無所損或裏熱極其腹滿實痛煩渴謦妄緩喘急下者以大承氣湯下之三乙承氣湯亦妙也○下後未愈或證未全或大汗前後逆氣或汗後餘熱不解或遺熱勞復或感他人病氣汗毒傳染或中瘴氣馬氣羊氣一切穢毒并漆毒酒食一切藥毒及墜墮打撲傷損痠痛或久新風眩頭疼中風偏枯破傷風洗頭風風癩病或婦人產後諸疾小兒驚風精熱瘡瘍疥癩諸證無問日數但服之周身中外氣血宣通病皆除愈隨風通聖散加天

防風 川芎

當歸 切焙 芍藥

薄荷 葉淨

大黃 麻黃 去根連翹

芒硝 別研各

石膏 別研

桔梗 各一兩

滑石 十五兩

白朮

山梔子

荊芥 葉

甘草 別研

黃芩 各一

分

右為籠末每服五錢六錢水一大盞半入葱白五寸鹽豉五十粒生薑三片煎至一盞濾汁去滓溫服無時日三四服以効為度常服三錢水一中盞煎六分絞汁溫服不拘時兼夜四服設痊愈後更宜常服使病不再作新病不生並無過竟無間歲數乃平人常服之仙藥也凡人已衰老則腎水真陰損虛即風熱燥鬱其精血涸竭枯憊而死但以此藥扶補滋潤者也嗟夫世俗反以妄傳中年以上火氣漸衰止是虛冷更無熱病誤服熱毒之劑害人無數豈知識病之法全憑勝證以別寒熱陰陽虛實豈可以中年上下為則耶此藥除孕婦及產後月事經水過多并泄瀉者不宜服或治雜病亦宜治風熱極妙一名通氣防風散一名通解散

傷寒傳染論

夫傷寒傳染之由者由聞大汗穢毒以致神狂氣亂邪熱暴甚於內作發於外而為病也則如西山記曰近穢氣而觸真氣錢仲陽云步履重穢之履無使近於嬰兒若聞其氣則令兒急驚風搐也孫真人云乘馬遠行至暮當沐浴更衣然後方可近於嬰兒使不聞馬汗氣毒不然則多為天吊急驚風搐也故利死馬者感其毒氣而成馬氣丁黃之疾皆由聞其毒氣之所作也故聖惠方一法大汗

出則懸樂於戶辟其大汗穢毒無使傷於人也世以艾炷席隅者皆其義也多染親屬憂戚侍奉之人勞役者由其神氣怯弱易為變亂故也何以知傳染脉不浮者是也若誤以熱藥解表不惟不解其病反甚而危殆矣其治之法自汗宜以蒼朮白虎湯無汗宜滑石涼膈散熱散而愈其不解者適其表裏微甚隨證治之而與傷寒之法皆無異也

上海三馬路
千頃堂書局出版廣告

張介賓類經

十二本洋三元

校正溫病條辨

單洋二角五分

葉天士醫案存真

二本洋三角

喉科紫珍集

二本洋三角

齊有堂醫案

六本洋八角

吳氏痢症匯參

二本洋四角

雷少逸醫家四要

四本洋四角

新增疔瘡要訣

二本洋三角

陸亭圃冷廬醫話

四本洋六角

陳氏評批眼科銀海精微

二本洋四角

舒馳遠傷寒論

四本洋六角

校正女科輯要

二本洋二角

龐氏傷寒總病論

四本洋六角

校正外科輯要

二本洋三角

傷寒微旨論
旅舍備要方

合刻
本洋一角五分

全生指迷方

一本洋二角

洪氏集驗方

二本洋四角

小兒藥症直訣

二本洋二角

王孟英溫熱經緯

單洋二角五分

周慎齋幼科指南

二本洋四角

傷寒標本心法類萃卷上

河間劉守真編集

新安吳勉學校正

傷風

傷風之證頭疼項強肢節煩疼或目痛肌熱乾嘔鼻塞手足溫自汗出惡風其脈陽浮而緩陰浮而弱此為邪在表已上傷風之證皆宜桂枝湯第二次以解明傷寒汗出怕風而加項強痛者桂枝葛根湯第三傷風及無汗者雖已服桂枝湯反煩不解而無裏證者先刺風池風府却與桂枝葛根湯服之不若通用雙解散五十一免致有桂枝麻黃之誤傷風自汗白虎湯二十二金匱方太陽病無汗而渴者不可與白虎湯

傷寒

傷寒之證頭項痛腰痛脊強身體拘急惡寒不煩燥無自汗或致頭面目疼肌熱鼻乾或胸滿而喘手足指末微厥脈浮數而緊者邪在表以上傷寒之證皆宜麻黃湯第一以發其汗傷寒冒風頭目痛四肢拘攣比金散四十六不若通用天水散四十九或雙解散之類五十一甚佳無使藥不中病而益加害也○白虎含涼膈散二十三乃調理傷寒之上藥傷風甚妙

中暑

中暑之證身熱頭痛背寒而拒自汗煩燥大渴口乾倦怠而身不痛或時惡寒或畏日氣脈虛而弱無問表裏通宜白虎夏月感冒發熱煩渴五苓散二十四桂枝甘露飲三十四黃連香薷飲五十二或雙解散或裏熱甚腹滿而脈沉可下者大承氣湯下之或三一承氣湯尤妙半表半裏者小柴胡涼膈天水散

中濕

中濕之證一身盡疼重者發黃關節煩疼發熱身寒時或腹滿脹大便利脈沉而緩以上中濕之證

傷寒標本 卷上

先用雙解散微微汗之次用五苓散或淡滲散桂苓甘露飲曾用甘露飲不愈却用黃連解毒則愈問曰苦劑止土之甘此屬土故以火劑燥土其病則愈

風寒俱中

風寒俱中之證頭痛項強肢體痠手足溫為中風反無汗惡寒脈浮緊為傷寒也或頭項疼腰脊強身體拘急指末微厥不自汗為傷寒反煩燥而脈緩者為傷風也風則傷衛寒則傷榮榮衛俱傷則表裏熱甚者通宜以太青湯或雙解散最妙

內外傷寒

始得脈便沉而裏病表和者內傷也脈浮而表病裏和者外傷也病在身體四肢為表病病在胸腹之內為裏病內傷通解散外傷雙解散內外一切所傷通神散然不若雙解散以子和為之三法至神

一切汗候

風寒暑濕飢飽勞逸憂愁思慮悲恐怒四時中外諸邪所傷但覺身熱頭疼拘攣強痛無問自汗無汗增寒發熱渴與不渴微甚傷寒疫癘汗病兩感風氣雜病一切傷病發作三日裏外並宜雙解散設若感之勢甚本難解者常服雙解散三兩日間亦漸可減並無所損或裏熱極甚腹滿實痛煩渴譫妄煩可下者三一承氣湯為妙或下後未愈或下證未全或大汗前後逆氣或汗後餘熱不解或遺熱復勞或染他入病氣汗毒傳染或中瘴氣羊氣牛氣一切穢毒并漆毒酒毒食毒一切藥毒及墜墮打撲傷損疼痛或久患風眩頭疼中風偏枯破傷風洗頭風風癩病或婦人產後諸疾小兒驚風積熱瘡瘍疥瘡無問日數但以雙解散服之周身中外氣血宣通病皆除愈然雙解乃通仙之藥但除孕婦及產後月經過多并泄瀉者勿與服之惟年老人最宜自有造化於中矣

傳染

凡傷寒痘瘍之病何以別之蓋脈不浮者傳染也設若以熱藥解表不惟不解其病反甚而危殆矣其治之法自汗宜以蒼朮白虎湯無汗宜滑石涼膈散散熱而愈其不解者通其表裏微甚隨證治之而與傷寒之法皆無異也雙解散益元散皆為神方

表證

凡表證脈浮身體肢節疼痛惡風惡寒者可汗之不可下也傷寒無汗麻黃湯傷風自汗桂枝湯一法不問風寒通用雙解散或天水散最妙

裏證

凡裏證脈實而不浮不惡寒及惡風身不疼自汗譫語不大便或咽乾腹滿者可下之不可汗也以以上之證宜小承氣湯大承氣湯調胃承氣湯選用而用之一法不問風寒暑濕或表裏兩證俱不見但無表證而有可下者通用三一承氣湯下之此藥發峻効使無表熱入裏而無結胸及痞之眾疾也或熱結極深而諸藥數下畢竟不能利不救成痼者大承氣湯加甘遂一錢匕下之病在裏脈沉細者無問風寒暑濕或表裏證俱不見或內外諸邪所傷有汗無汗心腹痛滿譫妄煩燥畜熱內盛但是脈沉者宜三一承氣湯合解毒湯下之解毒調胃承氣湯能瀉大熱

表裏證

表裏俱見之證或半表或半在裏之證者謂前表裏二證病在相參有欲汗之而有裏病欲下之而表病未解汗之不可吐之又不可法當和解傷風白虎湯傷寒中風或兩感小柴胡湯一法不問風寒暑濕用涼膈散天水散二藥合一服用煎解之或表熱多裏熱少天水一涼膈半或裏熱多表熱少涼膈一天水半表熱極裏有微熱身疼頭痛或眩或嘔不可汗吐下者天水涼膈散合和解之解之又不能退其熱者用黃連解毒湯表裏之熱俱微者五苓散表裏之熱俱盛者大柴胡湯微下之更甚者大柴胡合大承氣湯下之雙除表裏之熱服雙解散之後若不解病已傳變後三日在裏法

當下之殊不知下之太早則表熱乘虛而入裏遂成結胸虛痞懊憹發黃之證輕者必危危者必死但宜平和之藥宣散其表和解其裏病勢或有汗而愈或無汗氣和而愈用小柴胡涼膈天水合和主之病在半表半裏用小柴胡涼膈散合和而解之或小柴胡合解毒湯如服熱勢未退者大柴胡合三一承氣湯表裏俱微半表半裏若裏微者宜大柴胡合黃連解毒湯合服諸小柴胡湯證後病不解表裏熱勢更甚而心下鬱微煩或發熱汗出不解心下痞鞭嘔吐不利或陽明病多汗或少陰病下利清水心下痛而口乾或太陰病腹滿而痛或無表裏證但發熱七八日雖脈浮而數而脈在肌肉實數而滑者並宜大柴胡湯病至七八日裏熱已甚表漸微脈雖浮數用三一承氣湯合解毒下之下證未全不可下者用白虎湯或知母石膏湯脈洪燥裏有微熱不可汗者用黃連解毒湯

汗後不解

凡是表證法當汗之依法汗之其病又不解汗後不解其證前後別無異證者通宜涼膈散調之以退其熱無使熱甚危極也除此之外遠勝小柴胡湯兩感至此而已汗後餘熱用益元散或小柴胡湯宣武人參石膏湯傷寒大發汗汗出不解反無汗脈尚浮者蒼朮白虎湯解之傷寒用桂枝湯發後半日許復熱煩脈浮者再宜桂枝湯汗後不解下證未全者白虎湯汗後煩燥不得眠微熱而渴五苓散汗後不解中外有熱口乾煩渴柴胡飲子解表之後尚未愈者解毒涼膈天水散能調順陰陽洗滌臟腑

下後不解

凡是裏證法當下之依法下之其病又不解或大下後或再三下後熱勢尚甚而不退本氣虛損而不能實擬更下之恐下晚而立死不下之則熱極而死寒涼諸藥不能退其熱勢之甚者或濕熱內餘下利不止熱不退者或因大下後濕熱利不止而熱不退脈弱氣虛不可更下者或諸濕熱內餘小便赤澀大便澹泄頻併少腹而急痛者必欲作痢也通宜黃連解毒湯以解之傷寒下之太過胃

中無熱飲水無力。白朮散。又有大下之後其熱不退。再三下之熱愈甚。若下之不止。其人脈微氣虛。氣弱。不加以法。無可生之理。至此下之亦死。不下亦死。但用涼膈合解毒湯調之。陽熱退除。陰脈漸生。為之妙法。下之前後無間。日數餘熱不解。小柴胡湯。汗下後胃虛。大橘皮湯。汗下後胸膈滿悶。赤茯苓湯。

在上涌之

言病在膈者。當用瓜蒂散吐之。或表證罷。邪熱入裏。結於胸中。煩滿而飢不能食。四肢微厥。而脈乍急者。宜瓜蒂散吐之。傷寒頭痛久不愈。令人喪明。胸膈亦有宿痰故也。當先涌之。次以白虎湯加減。

在下泄之

言病畜熱下焦。則承氣抵當之類。泄之而可也。

合病

三陽合病。腹滿身重。難以轉側。口燥而垢。譫語遺尿。如誤發汗。則譫語益甚。下之則便厥。額上汗出。後必發黃。白虎湯。

兩感

兩感謂一日太陽少陰兩證俱見。二日陽明與太陰俱病。三日少陽與厥陰俱病。前六經之證是也。小柴胡湯。涼膈散。五苓散。天水散。通聖散。雙解散。大柴胡湯。可選用之。熱勢甚。欲可下者。三一承氣湯。或解毒合承氣湯。

瘧病

瘧之為病。發熱腹滿。口噤頭搖。瘰癧不語。項強背直。腰身反強。或目痛。或目赤。或閉。或反目。或足溫。或妄行。其脈沉弦而遲。或帶緊者。無汗曰剛。瘧有汗曰柔。瘧通宜三一承氣湯合解毒下之。

頭疼

頭疼之證無問風寒暑濕雜病自汗頭疼俱宜白虎湯或加川芎荊芥尤妙頭疼久不愈必致喪明
宜先涌痰次用白虎加減風眩痰逆喘嗽頭痛半夏茯苓湯頭痛肢體痛黃連解毒湯頭疼口乾桂
枝甘露飲風痕喘嗽頭疼白虎半夏橘皮湯風熱頭疼心煩昏憤人參石膏湯傷寒壯熱頭疼不卧
散

身疼

身疼之證無問風寒通解散表熱甚頭項肢體疼痛黃連解毒湯傷寒瘟疫遍身疼痛少力頭旋腰
脚府重嘔噦壯熱減食三一承氣減硝加貫衆紫河車入金銀煎名銀煎散中濕周身盡痛五苓散

腹脹滿痛

腹脹滿脈沉者以三一承氣湯合解毒下之諸腹滿實痛煩渴譫妄脈實數而沉者無問日數三一
承氣湯少陽證腹中痛者小柴胡去黃芩加芍藥湯少陽證脇下痞鞭者小柴胡去棗子加牡蠣太
陰證腹滿時痛桂枝加芍藥痛甚加桂枝大黃

往來寒熱

往來寒熱屬少陽一日二三作來往無期用小柴胡湯主之

潮熱

潮熱屬陽明一日一發日晡而作也陽明裏熱極甚或吐下後不解大便五六日至十餘日日晡潮
熱心胸煩熱而懊憹如瘧狀脈沉實者三一承氣湯陽明少陽合病下利日晡發熱如瘧者大柴胡
湯通宜三一承氣合解毒

自汗

自汗者不發表解肌自出汗也傷風自汗也傷風自汗桂枝湯傷寒自汗脈沉數而實表裏俱熱者
三陽合病自汗者厥逆自汗者頭疼自汗者傷寒自汗未解半入於裏者中暑自汗脈虛者俱宜白

虎湯傷寒寢汗不止白虎湯加麻黃根浮麥傷寒汗下後自汗脈虛熱不白白虎加人參蒼朮服之汗止身涼通仙之法也

中暑自汗白虎湯後以澹滲湯調之自汗多宣武人參石膏湯

自利并誤下

自利者不經下藥攻裏而自利也麻浮表不解自利或小便不利者五苓散一切瀉痢間作桂苓甘露飲溫濕內甚而作痢者黃連解毒湯或自利清水色純青心下痞痛口燥者皆溫熱相搏於腸胃之內而成下利者三一承氣湯當汗而反下反不成結胸而但下利清穀不化表證在裏熱裏寒也急以四逆湯溫裏利止裏和急以桂枝解表或用巴豆熱藥下之而協熱利不止皆宜五苓散止利兼解表

小便不利

小便不利者小便難而赤澀也中暑并傷寒大發汗後胃中乾煩燥不得眠脈浮小便不利微熱煩渴者口乾煩渴小便不利者小便赤澀通宜五苓散桂苓甘露飲主之

嘔吐

凡嘔吐者火性上炎也無問表裏通宜涼膈散傷寒雜病一切嘔吐調胃承氣湯煩悶乾嘔黃連解毒湯嘔吐煩渴者桂苓甘露飲五苓散散眩咳嘔者白虎加半夏橘皮傷寒嘔吐四肢厥逆清冷調胃散濕溫內甚惡心嘔吐者白虎合解毒湯

吐瀉

吐瀉者上吐下瀉亦名霍亂也一切吐瀉霍亂通宜五苓散益元散白朮散吐瀉霍亂煩渴并中外諸邪所傷而吐瀉腹滿痛悶者並皆桂苓甘露飲淡滲湯

喘嗽

大熱喘嗽而滿者黃連解毒湯或熱甚咳嗽悶亂三一承氣湯少陽咳者小柴胡去人參大棗生薑加五味子乾薑喘嗽頭疼者茯苓半夏湯咳嗽者白虎湯加半夏桔梗咳嗽不已人參石膏湯或宣武人參石膏湯痰逆咳嗽半夏橘皮湯汗之後氣悶咳嗽五味子湯

渴

凡口乾煩渴者傷寒汗出而渴者飲水反吐名曰水逆俱宜五苓散少陰病二三日口燥咽乾三一承氣湯或裏熱燥甚傷寒怫鬱留飲不散煩渴不止則腹高起痛不可忍但嘔冷涎大渴不能飲飲亦不能止其渴喘急悶亂但欲死者三一承氣湯熱下咽立止其渴有若無病之人須臾大汗而愈至此往往多有不利而汗出亦有藥力但隨汗之宜通不利而愈或汗吐下後煩渴口乾脈浮大白虎湯加人參煩燥多渴涼膈散加滑石

煩燥

傷寒煩燥多渴涼膈散加滑石中暑傷寒汗後煩燥五苓散一切火熱狂躁喘滿黃連解毒湯煩燥而渴白朮散或加滑石甚者加薑汁

懊憹

虛煩

不得眠

懊憹煩心反復顛倒不得眠者煩熱怫鬱於內而氣不能宣通也或胸滿結痛或煩微汗出虛煩者梔子湯主之或氣少者加甘草一錢或嘔者及初懊以圓藥下者加生薑半兩凡懊憹虛煩者皆用涼膈散甚佳及宜湯濯手足使心胸結熱宣散而已心煩腹滿坐卧不安梔子厚朴湯主之或陽明病下之後燥熱而懊憹者三一承氣湯汗後煩燥不得眠五苓散或涼膈散口燥呻吟錯語不得眠五苓散黃連解毒湯煩心者涼膈散少陽證胸中煩而不嘔者小柴胡去半夏人參加瓜蒌實主之

留飲

一切留飲不散五苓散桂苓甘露飲黃連解毒湯涼膈散白虎湯小陷胸湯三一承氣湯選用傷寒

表未罷心下水氣乾嘔發熱而咳或嘔或利或噎或小使不利小腹滿或喘者小青龍湯

店

傷寒表裏俱熱下證未全法當和解誤下之蚤則成痞心下痞滿而不痛按之虛軟者痞脈浮而尚惡寒者表未解也當先桂枝解表已而後用大黃黃連瀉心湯攻痞也或只用五苓散使除表裏甚良或痞惡寒而汗出者或痞而煩小便不利者或痞留飲濕熱下利者或已成痞因藥尚不止以其痞滿誤更下之其痞轉甚嘔噦下利心煩躁者無問痞脈浮沉並宜生薑瀉心湯調下五苓散頻服之或痞不已則後亦濕熱煩滿或譫妄脈沉無他症者宜大黃黃連瀉心湯或小陷胸湯亦可下早成痞檳榔散

結胸

結胸之證有三不按而痛者名大結按之而痛者名小結胸心下怔忡頭汗出者名水結胸也汗下之後不大便五六日舌乾而渴日晡少潮熱從心下至小腹鞭滿而痛不可近而脈沉緊滑數或但關脈沉緊者宜大陷胸湯或陷胸員下之或脈浮者表未罷也不可下下之則死宜小陷胸湯及小柴胡湯之類和解之表罷者方可下之或結胸雖脈浮而裏熱勢惡須可下者宜三一承氣湯分作三次約三時許服訖得利甚良雖未稍減脈必沉病微者止用三一承氣半服按法而下之裏熱甚者以大陷胸湯大半服而下之或但結胸別無大股熱證但頭微汗出脈沉滑者水結胸也通宜大陷胸小結胸心下按之而痛脈浮而滑別無大股熱證及水結胸者小陷胸湯傷寒下之太早結胸黃連解毒湯加枳殼傷寒結胸虛痞涼膈散加枳殼桔梗或但自熱結胸者其胸高起腹雖不滿而但喘急悶結譫妄昏冒關脈沉數而緊者用大承氣湯加甘遂一錢匕下之表證罷熱入裏結於胸中煩滿而飢不能食微厥而脈乍緊者瓜蒂散吐之太陽中風下利嘔逆表證罷乾嘔短氣不惡寒熱汗發作有時頭痛心下痞鞭滿引脇下痛者十棗湯結胸而發黃者茵陳湯陷胸湯各半服

傷寒標本

卷上

五

下之協熱下利不止更結胸發黃茵陳湯五分陷胸湯三分大承氣湯二分下之為佳脈浮不可下者小陷胸湯合小柴胡湯

血證

太陽病日久表證仍在循經熱蓄於下焦脈微而深不結胸而發狂者熱在下焦小腹當鞭滿小便不利也血下而愈宜攻之或太陽病身黃脈沉者循經而蓄熱下焦也小腹鞭小便不利為無血小便便利如狂者瘀血證或陽明蓄熱內甚而喜妄或狂大便雖鞭而反易其色者有蓄血也或無表裏證但發熱日久脈浮者亦可下或已下後脈數胃熱消穀善飢數日不大便有瘀血也並宜抵當湯下之傷寒有熱小腹滿小便便利者為有血也當下未敢用湯用抵當丸最為穩當太陽病不解而畜熱下焦先以桂枝解表已而下血宜桃仁承氣湯或抵當圓攻之傷風汗下不解執鬱經絡隨氣湧泄為衄或清道閉流入胃脫吐出血及鼻衄吐血不盡餘血停留以致面黃大便黑犀角地黃湯發狂加黃芩太黃

諸語

三一承氣湯合解毒湯下之若傷寒過經諸語以有熱也當以湯下之若利小便大便當以藥下之非其治也若自利者腹當厥今反和此為內實調胃承氣湯或涼

飲不散以致濕熱相搏而身體發黃其候但頭汗出身無汗臍頭而體發黃宜茵陳湯調下五苓散結胸而發黃者茵陳同陷胸湯各半下損陰氣遂協熱利不止更或結胸而發黃者用茵陳湯五分陷胸湯三感發黃者用茵陳湯加黃連解毒湯一服急下之頭微汗小便利而發微

黃者濕熱微也。梔子蘗皮湯發黃甚者茵陳合三一承氣湯。

發斑

發斑下證未全。涼膈散未曾下。胃熱發斑。白虎湯加入參白朮。陽明胃熱發斑。脈沉煩可下者三一承氣湯下之。傷寒胃熱發斑。涼膈散加滑石調五苓散甚妙。傷寒七八日發黃有斑微熱腹滿者或痰實壅上。雖諸承氣湯不過者。仲景曰寸脈浮滑者可用瓜蒂散吐之。

發狂

傷寒發狂奔走罵詈不避親疎。此陽有餘陰不足。三一承氣湯加當歸薑棗名當歸承氣湯。以利數行候微緩以三聖散吐之。後用涼膈散洗心散。黃連解毒湯調之。譫妄發狂踰垣上屋赴井投河皆為陽熱極甚。用三一承氣合解毒下之。驚悸顛狂三一承氣湯發狂極甚投河入井者三下不過不可下攻。使當涌之以瓜蒂散吐出痰涎宿物一掃而愈。後以甘露飲之類調之。

發戰

凡熱病大汗將出而反寒戰者。表之正氣與邪氣併甚於裏。火熱亢極而反兼水。化制之反為寒戰。脈微欲絕者三一承氣湯或十棗湯下之。凡欲作汗無間病之微甚或已經新下者或下證未全者但以涼膈散調之。甚者黃連解毒湯或下後二三日或未經下腹滿煩渴脈沉實而有裏證者三一承氣湯下之。勢熱者加黃連解毒湯或戰不快者或戰後汗出不快者或戰數次經大戰而汗不當者乃拜之。不甚而法之不達通宜三一承氣湯或更加黃連解毒湯下之以散怫熱而開鬱結也。

發厥

或表熱極甚而恐承氣不能退者。或已下後而熱不退者。或畜熱內甚陽厥極深。以陽氣怫鬱不能營運於身表四肢以致通身清冷痛甚不堪項背拘急目青睛疼昏眩恍惚咽乾或痛躁渴虛汗嘔吐下利腹滿實痛煩冤悶亂喘急鄭聲脈雖疾數以其畜熱極深而脈道不利反致脈沉細而欲絕。

俗未明其造化之理而反謂其傷寒極陰毒者或始得之陽熱暴甚而便有此證候者或兩感熱勢甚者通宜解毒加入承氣湯下之熱不退者宜再下之然雖古人云三下之而熱不退即死矣亦有按法以下三五次利一二十行熱方退而得活者免致不下退其熱而必死也下後熱少退而未愈者黃連解毒湯調之或失下熱極以致身冷脈微而昏冒將死者若急下之殘陰暴絕而死蓋陽氣後竭而然也不下亦死宜涼膈散或黃連解毒湯或二藥合服或白虎合涼膈散養陰退陽積熱漸以宣散則心胸溫煖脈漸以生至於脈復有力方可以三一承氣湯下之或解毒加六一散調之愈後宜服退熱之藥忌發熱諸物裏熱脈厥者宜白虎湯熱極厥深而諸藥下畢竟不能利者不救必死黃連解毒湯更加甘遂末一錢匕下之

循衣摸床

陽明病脈遲汗出不惡寒身重短氣狂語如見鬼狀劇者發則不識人循衣摸床惕而不安直視微喘三一承氣湯

勞復食復

汗下後勞復柴胡飲子飲酒復劇黃連解毒湯或雙解加黃連在裏者三一承氣湯在表者血元散或雙解散半表半裏大柴胡湯小柴胡湯涼膈散解毒湯隨證用之食復三一承氣湯

傷寒標本心法類萃卷下

河間劉守真編集

新安吳勉學校正

麻黃湯 一

麻黃六錢 桂枝四錢 甘草二錢 杏仁七枚

右作二貼水二鍾煎八分取汁麻黃性熱惟冬及春兼病人素虛寒者乃用正方夏至之後服之必發斑黃須加知母半兩石膏一兩黃芩一分桂枝加減月令同

桂枝湯 二

桂枝 芍藥各二錢半 甘草一錢半

右作一貼薑三片棗一枚煎服取微汗倍加芍藥名桂枝芍藥湯加大黃名桂枝大黃湯金匱方曰太陽病自汗而小便數者不可與桂枝湯

桂枝葛根湯 三

桂枝 芍藥 甘草各二錢半 生薑四錢 大棗二枚 葛根二錢

右作二服水煎取微汗

葛根湯 四

葛根一兩 麻黃三錢 生薑三錢 桂枝 甘草 芍藥各二錢 棗一枚

右作二貼水煎服衣覆取汗為度

升麻葛根湯 五

升麻 乾葛 芍藥 甘草各三錢

右作二服水煎若大段寒即熱服若熱即溫服身涼為度

大青龍湯 六

麻黃

石膏錢各半 桂枝一錢 甘草同上 杏仁三枚

右作二貼薑三片棗一枚水煎取微汗不可太過恐亡陽以溫粉撲之

小青龍湯七

半夏六分 北五味二錢 麻黃

芍藥

細辛

甘草

乾薑

桂枝各一錢

右作二貼生薑四片水煎諸方皆不用生薑

大柴胡湯八

柴胡三錢 黃芩一錢 將軍七錢 芍藥錢半 半夏一錢 枳實二錢

右作一貼生薑五片棗一枚煎大柴胡合三一承氣湯合黃連解毒湯合大承氣湯

小柴胡湯九

柴胡八錢 黃芩 甘草 人參各三錢 半夏二錢

右五錢生薑五片棗一枚煎溫服

一法本方合涼膈天水 一法本方合涼膈散 一法本方合解毒湯 一法本方去棗子加牡蠣

一法本方去人參大棗生薑加五味子乾薑 一法本方去半夏人參加括實

大承氣湯十

大黃 芒硝各二錢 厚朴四錢 枳實三枚

右作一貼水二鍾先煎厚朴枳實次下大黃煎取八分去滓入硝煎一二沸放溫服

一法本方加甘遂末一錢匕

調胃承氣湯十一

大黃三 芒硝二 甘草一錢半

右作一貼水二鍾煎溫服

小承氣湯 十二

大黃三 厚朴一錢 枳實一錢

右作一貼水二鍾煎溫服

三承氣湯 十三

大黃二 芒硝一錢 厚朴一錢 枳實一錢 甘草二錢

右作一貼水煎溫服

一法本方減硝加貫眾紫河車入金銀煎名銀煎散 一法本方加當歸薑黃名當歸承氣湯

桃仁承氣湯 十四

桃仁 桂皮 芒硝 錢半 大黃二錢 桂枝 甘草各一錢半

右作一貼水煎空心服

犀角地黃湯 十五

犀角 白芍藥 牡丹皮 各五錢 生地黃四錢

右作一貼水煎有熱加黃芩一錢發狂血證加大黃本方無大黃血證內有

大陷胸湯 十六

大黃二錢 芒硝二錢 甘遂一分些 小便是

右作一貼水煎溫服未快再服勢惡不利以意加之

大陷胸湯 十七

大黃半兩 芒硝二錢 葶藶二錢 炒杏仁十二粒

右大黃末下葶藶杵羅研杏仁芒硝如泥圓如彈子大每服一九入甘遂末三字白蜜半匙水一

鍾煎至半鍾溫服當一宿未利再服

傷寒標本

卷下

小陷胸湯 十八

半夏

黃連

括蕒實 一枚四分用之二

右作一貼水煎溫服未利再服微利黃涎即愈

一法本方合小柴胡湯

抵當湯 十九

水蛭 炒

蟲 各七箇去足翅炒

杏仁 十枚 大黃 二錢半

右作二貼水煎再服

抵當圓 二十

水蛭 炒

蟲 各七箇去足翅炒

杏仁 七枚 大黃 二錢半

右細末煉蜜作二圓用水二鍾煎一圓至六分溫服。晡時血未下再服。

黃連解毒湯 二十一

黃連

黃蘗

黃芩

梔子

每服五錢水煎溫服

本方合大承氣湯

一法本方加枳殼

本方合三一承氣湯

一法本方加甘遂末一錢匕本

方合調胃承氣湯

一法本方合涼膈天水散

白虎湯 金匱方云太陽病無汗而渴者不可服

知母 半

甘草 一兩

粳米 一合 石膏 四兩

右五錢水煎溫服

一法本方加蒼朮

一法本方加人參蒼朮

一法本方加半夏橘皮

一法本方加半夏桔梗

一法本方合解毒湯

一法本方加人參白朮

一法本方合涼膈散

一法本方加麻黃根淨麥

涼膈散 二十二

連翹一兩 黃芩半兩 梔子半兩 甘草半兩 朴硝一分 薄荷 大黃半兩

右五錢水煎入蜜少許

一法本方合解毒湯 一法本方加滑石 一法本方加桔梗枳殼 一法本方合天水散 一

法本方加滑石調五苓散

五苓散 金匱方云陽明病汗多而渴者不可服

猪苓 伏苓 白朮各五錢 桂心一分 澤瀉一兩

右或調或煎

一法本方加生薑汁調服

澹滲湯 即五苓合益元是也 二十五

瓜蒂散 細剉炒 赤小豆等分又用茶少許 二十六

右為末豆豉半合水一觔半煮汁半觔調下一錢匕不吐加服 頭痛加鬱金 脇痛蠅精

三聖散 見吐門 二十七

食前食鹽汁半觔後調藥服一半用鵝翎探引吐出如吐少更以熱鹽汁投之不已用麝香煎

湯服半觔立止

梔子湯 二十八

大梔子七枚 豆豉半合

右以水煎梔子至一盞半入豆豉煮至半盞溫服

梔子蘖皮湯 二十九

大梔子枚十五 黃蘖半兩 甘草二錢

右咬咀水二鍾煎

梔子厚朴湯 三十

大梔子七枚厚朴半兩枳實二錢

右咬咀水煎

十棗湯 三十一

芫花

大戟

甘遂等分

右為末水一觔漿十枚劈開煮汁半觔調藥末半錢匕實者一錢匕

茵陳湯 三十二

茵陳一兩大戟半兩梔子十枚

右五錢水煎

本方合陷胸湯

本方合大承氣湯

本方五分陷胸湯三分大承氣二分

本方合解毒湯

大黃黃連瀉心湯 三十三

大黃

黃連

黃芩等分

右五錢方煎

一法加生薑甚良

桂苓甘露飲即五苓散加寒水石石膏 三十四

右為末或溫湯或新水生薑湯調或煎

一方不用猪苓

一方加甘草

一方有人參藿香木香葛根滑石甘草共二十三味一名桂苓白朮散

人參石膏湯 三十五

人參二錢

白朮半兩知母半兩黃芩三錢川芎半兩茯苓半兩半夏

山梔三錢甘草一兩

石膏 三兩

右吹咀薑煎

極宣武人參石膏湯 三十六

人參二錢 石膏一兩 川芎二兩 黃芩二錢 茯苓

防風 錢三 甘草 五錢

右五錢水煎

半夏橘皮湯 三十七

半夏 陳皮 甘草 人參 茯苓

厚朴 各二錢 葛根 半兩

右五錢薑五片

茯苓半夏湯 三十八

茯苓 半夏 生薑 各一錢 取汁 煮至四分 絞汁 却下 生薑汁 服

右水煎 一方加黃芩甘草陳皮各一錢

大橘皮湯 三十九

陳皮 甘草 各一人參二兩

右五錢薑三片

赤茯苓湯 四十

陳皮 甘草 各一人參二兩 半夏 白朮

川芎 赤茯苓 各半兩

右五錢薑五片

檳榔散 四十一

檳榔 枳殼 等分

右為末 三錢 黃連煎湯調下 或黃連解毒湯調下 或瀉心湯調下

白朮散 四十二

白朮 茯苓 人參 藿香各半 甘草 葛根各一 木香二錢

右末白湯調下二錢熱加滑石或加生薑

四逆湯 四十三

甘草一錢 乾薑一分 附子中者半箇

水煎溫服

五味子湯 四十四

五味子半兩 麥門冬 人參 杏仁 陳皮二錢

右五錢薑棗煎

不卧散 四十五

川芎一兩 石膏七錢 熟艾半兩 甘草 人參 細辛各二錢半

右為末口噙水搐鼻少時飲白湯半碗汗出而解

一方無人參細辛

川芎湯 川芎 藁本 蒼木等分

右為末湯調三錢須臾嘔汗便解

柴胡飲子

柴胡 人參 甘草 大黃 當歸 芍藥

右剉五錢薑五片水煎 宣武加半夏五味子桔梗

劉庭瑞方 四十五

柴胡 甘草二兩 黃芩 當歸 芍藥一兩 半夏 大黃

大勞熱五七分以為度

北金散 四十六

荊芥

麻黃

白芷

細辛

何首烏

菊花

防風

石膏

川芎

薄荷

全蝎

草烏

送

右為末各等分每服一錢煎服或茶酒送下

調胃散 四十七

水銀

船上硫黃

右研至黑服一錢米飲下重者二錢

通神散河間另有六神通解散於此加麻黃發汗最佳和劑方中葱白散於此去黃芩滑石加川芎

白朮乾葛亦妙方也 四十八

蒼朮

石膏 四兩 甘草

黃芩 二兩 滑石 六兩

益元散 即天水散 四十九

滑石 六兩 甘草 一兩

右為末水調或如蜜或葱豉湯調一名天水散一名六一散

通聖散 五十一

防風

川芎

當歸

芍藥

大黃

薄荷

麻黃

連翹

芒硝 各半兩

石膏 一兩 黃芩

桔梗 各一兩

滑石 一兩

甘草 二兩

荊芥

白朮

梔子 各二錢半

右剉五錢薑五片水煎

雙解散 五十一

益元散 通聖散 各半兩

右一兩薑蔥水煎此藥雙解加減在通聖散

黃連香薷飲 五十二

香薷一兩 厚朴半兩 白扁豆二錢 香連三錢

右剉五錢入酒少許水煎冷服

治腰脚骨節痛不止 用葳靈仙煎酒食前溫服極妙

無憂丸 治一切食積氣積痰積瀉痢氣壅腹脹膨悶肚腹疼痛

黑牽牛一斤取末 檳榔二兩猪牙皂角二兩三稜二兩 莪朮二兩各用好醋浸濕紙煨香熟取出切碎

右同前藥晒乾為末又用大角二兩煎湯打芎藭為丸每服二錢半白湯送下茶亦可薑湯下

太乙神鐵

羌活 獨活 黃連各四兩 麝香二錢 乳香二錢

右用三月三日艾四月八日亦可晒乾打茸入前藥末和勻用好白紙卷包上煎藥如筋大治風痺

或在腿或在腰在肱灸七炷二七炷三七炷甚效

治風蟲牙疼方

防風去蘆草烏取尖細辛去葉巴豆去殼油

右各味等分為細末擦牙痛處涎出立止切勿嚥下如食飲食以鹽湯灌漱飲無碍

神效追蟲取積感應丸 廣大至道高七沈道靈傳

檳榔半斤 樟柳根牌管仲半斤 大黃半斤 三稜四兩 雷丸四兩 莪朮二兩 使君子四兩 木香二兩

芫花一兩 苦練根皮八兩黑牽牛二斤半取頭皂角茵陳藿香

自檳榔至牽牛為末外用皂角等三味濃煎汁為丸如梧桐子大每服三錢重

金刀如聖散 又名惡瘡方

茅山蒼朮六兩米泔浸一日一夜 白芷二兩 川烏四兩去皮 防風四兩 細辛三兩去土 白朮五兩 草烏四兩

本方用兩頭犬無則用
川芎四兩雄黃五兩另研細末入藥

右件俱各生用晒乾為末用度

一切金瘡及多年惡瘡用自已小便洗過帖藥立效破傷風緊急用好酒調藥半錢或一錢服之蛇

傷入枯白礬少許調藥付之蝎蟄傷用吐服蓋之汗也如汗不出再服或涎出亦驗傷處付藥可

風狗咬傷處口噙水洗淨將藥貼傷處

湯火傷燙者以新汲水調藥付之

雷頭風并乾濕癬麻痺每服半錢服之立效

蘆薈丸 治小兒痘疾疳癆肚大腹脹面黃肌瘦脾胃不和驚積食積並皆治之

蘆薈麥蘗 胡黃連各一兩 黃連五錢 蕪夷肉豆蔻 木香龍膽草
川練子五十箇 三枝蓬朮各六錢 檳榔八錢 史君子十箇 陳皮青皮各八錢 麝香一錢

神麴半兩 乾蝦蟇

右為細末薄荷猪膽汁為丸粟米大每服一錢空心米湯下

無價寶一名壯陽丹 專治五勞七傷四肢無力脚腿沉困骨節酸疼面目無光陽痿不起下元虛

冷夢失精液服至十夜面目光滑二十夜老轉少年一月後陽道復原四十夜增進飲食至一百

日萬病皆除冬不寒夏不熱鬚髮不白婦人服之強陰煖子宮陰陽有益最有功效

川練子二兩 牛膝酒浸 檳榔一兩 免絲子一兩 另酒浸蛇床子一兩 乾薑五錢 穿山甲一大片 蓮肉

去心一兩 乳香三錢 沉香五錢 白檀香五錢 鹿茸一兩 巴戟一兩 大茴香一兩 仙靈皮三錢 破故

紙五錢 鳳眼草三錢 葫蘆巴五錢 人參一兩 澤瀉一兩 山藥一兩 五味子一兩 熟地黃二兩 麥

門冬 白從容 茯苓已上各一兩 白芍藥 五錢

右二十七味除乳香沉香白檀香免絲子四味另研為細末其餘二十三味各搗爛為細末同前四味煉蜜為劑同搗一二百千杵丸如梧桐子大每服三十九丸增至十九丸好酒送下以乾物壓之修合之日再加丁香一錢

膏藥方和尚傳

黃香 三斤 麻油 半斤 穿山甲

白芨二味各少許 華麻四十粒研細

定于藥

白礬一兩火煨同信一處 信 五錢 乳香 二錢 沒藥 二錢 辰砂 五分

麵糊為定

生肌散

龍骨火煨 赤石脂火煨各半兩 乳香

沒藥 海鱗硝 輕粉

全蠍洗焙乾各一錢 血竭 二錢

黃丹 一錢

右為末待瘡頭落盡此藥填滿在瘡口上以膏藥貼之一日甘草湯洗二次膏藥一二日一換

追風託裏散

甘草 黃耆 當歸 芍藥 白芷 防風 川芎 官桂 瓜蒌仁

金銀花 桔梗

每服水酒共二鍾煎至一鍾空心服

象牙丸

象牙 五錢 蜂房 三錢 蟬蛻 三錢 木香 三錢 沒藥 一錢 乳香 三錢 全蠍 一 僵蠶 三錢

先將黃蠟半斤化開待黑色過却將前藥為細末入蠟內攪勻傾入水內取出冷定為丸如棗大

每服空心一丸滾酒化開連三日三服待藥從漏痕出隔三日再服第五日再服一丸後下定
于藥

傷寒用藥加減賦

萬物之生也人之最靈四時有變兮百疾兆生欲辨陰陽之證必明天地之情稽寒溫表裏之疑式
明標本施汗下補吐之法溥濟羣生始而毫毛次傳膚腠惡風自汗乃桂枝之證喘熱惡寒則麻黃
之候陰陽俱虛而身必痒各半同功用大黃代寒熱共作而脈尚虛一二共奏桂枝麻黃各一於是
助以薑棗雜以豉蔥便利惡風者乾薑心悸腹痛者建中脈熱極而煩者八人參於白虎脈煩盛而
喘者加查子以青龍恍惚下痢而陰虛朱雀取效頭眩肉瞤而水泄玄武當功致使桔梗寬咽甘草
平肝腹內脹滿兮厚朴薑心中懊憹兮梔子豉小便不利則投之以猪苓瞋間有痰則吐之以瓜蒂
或乃熱作而腹脇脹滿又若狂妄而潮熱發悸或裏以入而表未除或小便澀而大便秘必明大小
柴胡直敘前後承氣結胸多渴祝侍者議任陷胸譚語發狂妄將軍即大黃功先調胃當知青龍十
棗分水有表裏三黃四逆兮利有寒溫下利者甘草煩躁者茯苓茯苓四逆湯脈絕用當歸當歸四
逆湯治濕證亡血須人參四逆加人參汗出加附子附子瀉心湯惡風入黃芩黃芩瀉心湯臍下有
水則生薑生薑瀉心湯心中嘔逆則人參人參瀉心湯上四者同歸於四逆下四者乃同於瀉心溫
寒而結積薑三白之功妙生津液而逐水道加五苓之最深吐血則黃耆宜服使膿則桃仁可加黃
疸茵陳必求之瓜蒂先瓜蒂後茵陳斑毒紫雪當宜用於升麻先升麻後紫雪溫濕之土桂附蒼木
可入就中之內附子宜加此外若青龍血柴胡有加減之餘識身有餘熱者桂枝脇下硬滿者大黃
可陪多汗者附子加小柴胡奔豚者桂枝加桂喘者小青龍加杏仁嗽者小柴胡加五味瓜蒂治煩
渴未除茯苓醫小便不利內寒者姜黃外腫者防己生薑止嘔半夏療噦用枳殼兮綠酒毒留胸有
黃蘗兮因衄血出鼻或得人參以除煩或取茯苓而愈悸頭疼如破葱白連翹咳逆欲絕乾柿餅蒂

下利則乾薑身痛則桅豉豈二方之獨用亦衆藥之同推妙哉吾今精此四十餘年活人之功嘗識

附河間傷寒心要

傷寒心要論

都梁錫 洪編集 新安吳勉學校正

夫傷寒者前三日在表法當汗可用雙解散連進數服必愈若不解者病已傳變後三日在裏法當下殊不知下之太早則表氣虛入裏遂成結胸虛痞懊憹斑疹發黃之證輕者必危危者必死但當以平和之藥宣散其表和解其裏病勢或有汗而未愈或無汗而愈當用小柴胡涼膈天水三藥合而服之

病若半在表半在裏法亦當和解三小柴胡涼膈主之

若裏熱微者則當微下四大柴胡合解毒湯主之熱勢未退又以大柴胡合三一承氣下之兩除表裏之熱病至七八日裏證已甚表熱漸微脈浮數則以三一承氣合解毒下之

其如胸膈滿悶或喘或嘔陽脈緊甚者可用瓜蒂散涌之

汗吐下三法之後別無異證者涼膈散調之大熱已去微熱者以益元散服之無令再病此傷寒治法之大要也

或傷風自汗脈浮緩者雙解散去麻黃以汗之

其病半表半裏十一白虎湯和解之

病在裏脈沉細者無問風寒暑濕或表裏證俱不已或內外諸邪所傷有汗無汗心腹痛滿譫語煩躁當熱內盛但是脈沉者並用十二承氣合解毒下之

或中暑自汗

解以白虎湯直格云夏至前為濕夏至後為暑是以至後用白虎宜乎局方立秋後不用白虎子和云若有白虎證亦不用乎却用詳審之耳

白虎解後以五苓合天水調之多進數服無妨

或腹脹滿脈沉者亦當承氣合解毒微下之

或發汗之後熱不解脈尚浮者^{十六}白虎加蒼朮再解之

或裏熱內盛陽厥極深皆因失下而成此證以致身冷脈微昏瞢將死切不得以寒藥下之誤下即死又一輩庸醫妄言是陰厥便欲易換用玄武四逆溫熱之劑投之下咽立死殊不知此證乃陰耗陽竭陰氣極弱謂之耗陽厥極深謂之竭言熱拂鬱將欲絕者凡此之證寒劑熱劑俱不可投但進涼膈解毒^{十七}以養陰退陽宜散蓄熱脈氣漸生得大汗而愈使汗氣和而愈者

未愈却解毒合承氣^{十八}下之次以解毒涼膈天水合而為一十九調和陰陽洗滌臟腑則其他

證自不生矣

有大下之後熱不退再三下之熱愈盛若下之不愈脈微氣虛力弱不加以法則無可生之理若輟

而不下則邪熱極盛陰氣極衰脈息斷絕必不可救似此之證是下之亦死不下亦死醫者到此活

人殺人一彈指間其不至手足失措者幾希矣^{直格云傷寒汗後汗出不解或反汗脈尚浮白虎}

不退白虎加蒼朮^{人參一服如神汗止身涼此通格云傷寒汗後汗出不解或反汗脈尚浮白虎}

經云三下而熱不退者即死後人有四五次下以十數行而生者此乃誤中耳活者未一二死者千

百後學切不可以為法但當依前用解毒合涼膈調之使陽熱徐退陰脈漸生庶不失命

若傷飲不解散成結胸之證臨時擇用^{二十}大小陷胸湯丸累下之脈浮者不可下是表證未出小

柴胡合小陷胸湯^{二十一}投之脈雖浮而熱太極者^{二十二}承氣徐徐疎利之

或有留飲過度濕熱內生自利小便便濕熱未退以解毒湯治之

陽證生斑^{二十四}涼膈加當歸

佛醫熱盛在表燔而無汗濕熱在裏不能發於外相搏遂成發黃^{二十五}茵陳湯調五苓散

十六茵陳合承氣下之

煩心不得卧^{二十七}梔子湯

誤下太早遂成結胸虛痞二十八涼膈加枳殼桔梗剛柔二症謔語發狂踰垣赴井皆陽熱極盛者二十九承氣合解毒下之

汗下之後煩渴飲水則三十涼膈減桂五苓甘露益元選而用之小便不通五苓泄之大便閉結承氣下之更有外證加減通聖散方內隨證用藥

婦人證治皆然惟孕婦三四月并七八月不用硝其餘月分用之無妨小兒減劑服之

此中有古人治傷寒不傳之妙後之學者其慎寶之

第一雙解散

防風通聖散

防風去蘆川芎

當歸焙

赤芍藥

大黃

麻黃

連翹

芒硝半兩石膏

黃芩去腐桔梗一兩甘草二兩滑石三兩荆芥

白朮

梔子二錢

白朮

芒硝半兩石膏

右為散每服三錢水一盞薑三片煎六分溫服太黃芒硝麻黃三味對證旋入自利去太黃芒硝白汗去麻黃

天水散 益元 六一

滑石六兩甘草一兩

右為末每服三錢溫蜜水調暑月冷水亦可和解傷寒傷風發汗葱白五寸豆豉五十粒煎一盞調四五錢并三服解利為度加薄荷尤妙

通聖合益元

右七兩和勻每服三錢水一盞半葱白五寸豆豉五十粒薑三片煎一盞溫服

第二小柴胡涼膈天水合服

小柴胡湯

北柴胡 三兩 黃芩

人參

半夏

生薑

甘草

大棗 二兩

右為散每服五錢

涼膈散

連翹 二兩 梔子

大黃

薄荷

黃芩 一兩 甘草

芒硝

右為散每服三錢水一盞煎七分入蜜少許竹葉五片

第三涼膈合小柴胡

第四大柴胡合黃連解毒湯

大柴胡湯

柴胡 去苗 大黃 半兩 黃芩

白芍藥 一分 半夏 泡七次 枳實 生三錢

右為散分三服水一盞半生薑三片大棗一枚煎半服溫服

黃連解毒湯

黃連

黃蘗

黃芩

梔子 等分

右為散每服一兩水一盞煎五分溫服

第五大柴胡合三一承氣湯

三一承氣湯

大黃

芒硝

厚朴

枳實 各半

甘草 一兩

右剉每服二錢半水一大觔薑三片煎六分入硝再煎一二沸

第六承氣合解毒湯

第七承氣散

瓜蒂

赤小豆等分

右為末豆豉湯調下一錢未吐再服

第八涼膈散

第九益元散

風

第十雙解散

第十一白虎湯

知母兩半 甘草一兩 粳米一合 石膏四兩

右剉每服五錢水一觔煎六分溫服

第十二承氣合解毒湯

暑

第十三白虎湯

第十四五苓散合天水散

五苓散

猪苓

茯苓三錢 官桂一分 澤瀉一兩 白朮一錢

右細末

第十五承氣合解毒湯

第十六白虎湯加蒼朮

第十七涼膈合解毒湯

第十八解毒合承氣湯

活人書三分宜明論半錢

第十九解毒涼膈天水合

結胸

第二十大小陷胸湯丸

大陷胸湯

大黃

芒硝三錢甘遂三字

右剉四錢水一觔煎大黃六分內消再煎一二沸內甘遂溫服未利再與

小陷胸湯

半夏

四錢生薑切

黃連二錢

枳實半箇

右剉水三盞煎枳實至一盞半內藥煎至一盞分作兩服

大陷胸丸

大黃

半兩葶藶二錢

芒硝一錢

杏仁十二枚去皮尖

右大黃為末研葶藶杏仁為膏圓如彈子大甘草末三字蜜半匙水一觔煎半觔溫服一九一宿

若下未利再與

第二十一小柴胡合小陷胸湯

第二十二承氣湯

大黃

編紋芒硝三錢厚朴去

枳實各半

右剉如麻豆大分一半用水一碗一生薑三片煎至六分納硝煎一二沸絞去滓熱服

第二十三解毒湯

發斑

第二十四涼膈散加當歸

發黃

第二十五茵陳湯調五苓散

茵陳湯

茵陳一兩 大黃半兩 梔子十枚

右剉水二盞煎一盞溫服利為度

第二十六茵陳合承氣

煩心不腫

第二十七梔子豉湯

梔子

七箇

豆豉二合

右水二盞先煮梔子盞半內豉水半盞

第二十八五苓空腸煎涼膈加桔梗枳殼

剛柔二症

第二十九承氣合解毒湯

汗後煩渴

第三十涼膈減桂 五苓 甘露 益元散

甘露飲

茯苓

澤瀉

甘草

石膏

寒水石二兩 白朮

桂枝

猪苓半兩 滑石四兩

右為末每服三錢湯調或新汲水薑湯尤妙

右共十八方如無大承氣條第五一承氣代之亦妙通三十九件藥味調理傷寒曲盡其妙百

發百中後之學者詳辨脈證審而用之起沉痾於指掌策奇功以活人方知其妙也

新增病後四方

小半夏湯治汗下後嘔吐不已

半夏五兩 赤茯苓三兩

右剉每服半兩水二盞煎至一盞半薑汁更煎一二沸

五味子湯治汗下後氣閉咳嗽

五味子半兩 麥門冬

人參 杏仁

陳皮

土薑一錢 棗子二枚

右剉每服二錢水二盞煎一盞作二服

大橘皮湯治汗後胃虛

陳皮

甘草一兩 人參二兩

右剉每五錢水盞半薑二片煎至一盞溫服

赤茯苓湯治胸膈滿悶頭痛已得汗者

陳皮

甘草

人參 半夏

川芎

白朮等分

右剉每服五錢水盞半薑三片煎一盞溫服

傷寒心要餘論

五臟六腑應五運六氣凡病微則當其本化甚則兼其鬼賊之化亢則害承乃制微則是其本經本臟之本化造化之化也病甚則如金衰不能制木木則生火木火者皆陽也故風火多兼化則風熱相搏賊其金也

臟腑之氣應乎三陰三陽實則行乎本化之氣瀉之衰則行其勝己之氣瀉之是為殺其鬼賊也

如諸陽蓄熱以涼膈合解毒服之解散極熱

如瀉火熱解毒調胃承氣是也

如吐法用二仙散

如調理傷寒白虎涼膈合服解之

傷寒三日以裏連進雙解如無汗必是傳變待三四日之間以小柴胡解表裏之熱仍間服白虎涼膈蘊熱七八日之間欲下而表證猶在以大承氣湯大柴胡湯雙行并煎攻裏發表最為穩當若是溫熱內甚自利者止涼膈却進解毒問白虎服之或惡心乾嘔吐者白虎大作一劑調解毒末五錢服之即止大小便不通併有腹痛不能忍者以無灰酒煎朴硝三兩熱服即愈亦按從治之法也熱中伏寒下之矣或大承氣湯加木香瀉之尤妙

傷寒失下始病時又誤服麻黃熱劑大甚必致熱極或有陽厥極深身冷脈微陽極似陰之證庸醫以為陰證是也須當急救其陰以白虎涼膈日進三服脈氣漸生身體漸溫然後以大承氣下之夫大承氣救急之妙劑如咽膈吐逆不利當令熱服開其鬱結利而即愈也

如傷寒汗下之後自汗虛熱不止於白虎湯加人參蒼朮一服如神汗止身涼此法至妙不容詳盡如赤白痢先服黃連阿膠九次服解毒湯

傷寒瘡瘍破傷風與傷寒治法一同但以雙解湯與白虎承氣臨時斟酌用之雙解涼膈白虎瀉心此理傷寒之妙劑

孕婦臨月可服益元涼胎產後仍服如血不盡則以涼膈與四物合煎調理經血甚者大承氣合四物乃瀉中之有補也

涼膈同四物名玉燭散婦人產後之妙劑

涼膈四物合大承氣湯名三和湯

大承氣合四物治婦人一切血積血聚等症加紅花尤妙初生小兒五七日有熱證不得已只以益元散時時灌之如小兒夜啼用涼膈調之壯飢臨睡服

傷寒心要

凡瘡瘍癰癤涼膈加當歸治之

附張子和心鏡別集

鎮陽常德編集

新安吳勉學校正

傷寒

傷寒論雙解散

守真制雙解散通聖益元各七八分。入生薑葱白煎。解傷寒三二日間。以其初覺亦傷寒。疑似之間。解表恐傷於內。然攻裏恐傷於表。故制雙解。以其表裏齊見俱解。其為得法。然間有不解。猶未盡善也。子和增作法。亦用前藥煎一椀。令飲其半。探引出風痰。次服一半。仍用酸辣湯投下。使近火衣被。覆蓋汗出。則解八九分矣。此法子和得之規繩之。八世所未知也。

論發汗

世人只知桂枝麻黃發汗。獨不知涼藥能汗。大有盡善者。熱藥汗不出者。反益病。涼藥發之。百無一損。素問云。辛旨發散為陽。白粥配葱食之。便能發汗。益元加薄荷亦能發汗。承氣用薑棗煎以辛甘發散之意。守真雙解。子和演為吐法。豈非涼藥亦能發汗也。

論攻裏

攻裏之藥。當用寒涼。世人畏之。是不知藥隨病而俱出。何曾留於中乎。桂枝下咽。陽盛則斃。承氣入胃。陰盛乃亡。此語惑人久矣。鮮有解者。因有知幾窮理。偶於守真醫書註中。稍見其意。此陽實陰實。陽實發散。陰實宣泄。不同。實謂不受病也。陰實本不受病。何用承氣宣泄。反之。則有斃亡之失也。此二句。蓋謂傷寒之設也。

論攻裏發表

素問云。攻裏不速寒。發表不速熱。啟玄子云。世人直疑攻裏合用寒藥。發表合用熱藥。似是而非也。蓋攻裏不速寒。是不速司氣之寒。雖嚴凝盛寒之際。若合攻裏。不可畏天寒。而不用寒藥。發表不速

傷寒心錄

熱者是不遠司氣之熱雖流金燁石炎蒸盛暑合用發表之藥不可畏暑而不用熱藥此不遠寒熱之理也

擇衣撮空何臟所主

擇衣撮空許學士說作肝熱風淫末疾故手為擇衣撮空此論雖當其若斷之為肺熱以為愈矣其
人必譏語妄言經曰肺熱必為譫語兼上焦有病肺必主之手經者上焦也二者皆當其理果何如
哉天地為體用肺為體肝為用也肝主諸血者陰物也此靜體何以自動蓋肺主氣氣所鼓舞故靜
得動一說肝之用者一說肺之用者此天地至為體用二者俱為當也是知用臟血自寅至申行陽
二十五度諸陽用事氣為肝所使肺主氣自申至辰行陰二十五度諸陰用事肺為所用

傷寒口傳足經不傳手經論

傷寒口傳足六經仲景本論無說古今亦無言者惟龐安常謂主生故太陽水傳足太陰土土傳足
少陰水水傳足厥陰水為賊邪蓋牽強穿鑿胡不觀內經陰陽雜合論云太陽根於至陰名陰中之
陽少陽根起於竅陰名陰中之少陽太陰根起於隱白名曰陰中之太陰少陰根起於湧泉名陰中
之少陰厥陰根起於大敦名曰陰中之厥陰其次序正與此合太抵傷寒始因中風得之於陰是以
正傳足經者陰中之陽陽中之陰也又以六氣考之厥陰為初之氣少陰為二之氣太陰為三之氣
少陽為四之氣陽明為五之氣太陽為終之氣此順也逆而言之正與此合緣傷寒為病逆而非順
也

亢則害承乃制

假令水為母木為子當春旺之時冬令猶在即水亢也水既亢極則木令不至矣木者繼冬而承水
也水既亢則害其所承矣所以木無權則無所制土主所旺則水受制噫夫人必有侮然後人侮之
旨哉木黃春之令也水受土制熱剋其寒變而為濕

皆於木黃腐之令也水受土制熱則其寒變而為濕

集錄

L783L

1909

v. 8